

სახელმწიფო შესყიდვის შესახებ ხელშეკრულება №66

(SPV კოდი 42512000-ჰაერის კონდიციონერების საშუალებები)

ქ. თბილისი

03 აგვისტო, 2017 წელი

ერთი მხრივ, სსიპ „საქართველოს მეცნიერებათა ეროვნული აკადემია“ (შემდგომში შემსყიდველი) წარმოდგენილი აკადემიკოს-მდივნის ირაკლი ჟორდანიას სახით და მეორე მხრივ, შპს „ტექნოპაუსი“ (შემდგომში მიმწოდებელი) წარმოდგენილი დირექტორის მეჰმეთ მელექის სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის, „სსიპ-საქართველოს მეცნიერებათა ეროვნული აკადემიისათვის სახელმწიფო შესყიდვის განხორციელებაზე თანხმობის მიცემის თაობაზე“ საქართველოს მთავრობის 2017 წლის 30 ივნისის #1306 განკარგულების, „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად, შემსყიდველის მიერ გამოცხადებული გამარტივებული ელექტრონული ტენდერის #SPA170009684 შედეგების საფუძველზე, ვდებთ წინამდებარე ხელშეკრულებას შემდეგზე:

1. ტერმინთა განმარტება

1.1. წინამდებარე ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) „სახელმწიფო შესყიდვების შესახებ“ საქართველოს კანონისა და „სახელმწიფო შესყიდვების განხორციელების წესის შესახებ“ დებულების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. „შემსყიდველი ორგანიზაცია“ (შემდგომ შემსყიდველი) ნიშნავს ორგანიზაციას (დაწესებულებას), რომელიც ახორციელებს შესყიდვას.

1.1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ.

1.1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

1.1.6. „ინსპექტირება“ - ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1. მიმწოდებელი შემსყიდველს მიაწვდის გამარტივებული ელექტრონული ტენდერით #SPA170009684 გათვალისწინებულ ჰაერის კონდიციონერების საშუალებებს, ხოლო შემსყიდველი იღებს ვალდებულებას მიიღოს მოთხოვნილი შესყიდვის ობიექტი და გადაიხადოს მისი ღირებულება ხელშეკრულებით გათვალისწინებული პირობებით.

2.2. წინამდებარე ხელშეკრულებით მისაწოდებელი შესყიდვის ობიექტის სრული დასახელება, მახასიათებლები, გარანტია, რაოდენობა, ერთეულის ფასი და საერთო ღირებულება მითითებულია მიმწოდებლის დაზუსტებულ ფასების ცხრილში (დანართი 2).

3. შესყიდვის ობიექტი

3.1. შესყიდვის ობიექტი – ჰაერის კონდიციონერების საშუალებები.

4. შესყიდვის ობიექტის მიწოდების ვადები და პირობები

- 4.1. შესყიდვის ობიექტის მიწოდების ვადა: ხელშეკრულების გაფორმების დრიდან 5 (ხუთი) სამუშაო დღის ვადაში.
- 4.2. შესყიდვის ობიექტის მიწოდების ადგილი: მიმწოდებელმა საკუთარი ხარჯებით უნდა უზრუნველყოს შესყიდვის ობიექტის მიწოდება და მონტაჟი მისამართზე: ქ. თბილისი, რუსთაველის გამზირი №52 სსიპ - საქართველოს მეცნიერებათა ეროვნულ აკადემიაში.

5. ხელშეკრულების ღირებულება

- 5.1. ხელშეკრულების საერთო ღირებულებაა 10 770 (ათათასშვიდასამოცდაათი) ლარი, მიმწოდებლის სატენდერო წინადადების და დაზუსტებული ფასების ცხრილის შესაბამისად.
- 5.2. ხელშეკრულების საერთო ღირებულება მოიცავს ხელშეკრულებით გათვალისწინებული მომსახურების შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

6. შესყიდვის ობიექტის ხარისხი

- 6.1. მიმწოდებელი იღებს ვალდებულებას, რომ მის მიერ მიწოდებული შესყიდვის ობიექტის ხარისხი უპასუხებს ელექტრონულად შევსებული სატენდერო დოკუმენტაციით (სატენდერო განცხადება №SPA170009684), მიმწოდებლის ტექნიკური დოკუმენტაციით და დაზუსტებული ფასების ცხრილით გათვალისწინებულ ტექნიკურ მახასიათებლებს.

7. მიღება-ჩაბარების წესი

- 7.1. შესყიდვის ობიექტის მიწოდება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.
- 7.2. შესყიდვის ობიექტი მიწოდებულად ჩაითვლება მხოლოდ მიღება-ჩაბარების აქტის გაფორმების შემდგომ.

8. ანგარიშსწორების ფორმა, გრაფიკი და ვადები

- 8.1. ანაზღაურება მიმწოდებელთან განხორციელდება უნაღდო ანგარიშსწორებით, ლარებში, ამ ხელშეკრულებით გათვალისწინებული მიმწოდებლის საბანკო ანგარიშზე.
- 8.2. ანგარიშსწორება მიმწოდებელთან განხორციელდება მიწოდებული შესყიდვის ობიექტის შესაბამისად, მიღება-ჩაბარების აქტის გაფორმებიდან არა უგვიანეს 10 (ათი) სამუშაო დღის ვადაში.
- 8.3. დაფინანსების წყარო: საქართველოს მეცნიერებათა ეროვნული აკადემიის 2017 წლის სახელმწიფო ბიუჯეტი.

9. მხარეთა უფლებები და ვალდებულებები

- 9.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით;
- 9.2. შემსყიდველი ვალდებულია:
- 9.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 9.2.2. ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს მიწოდებული შესყიდვის ობიექტის ღირებულება;
- 9.2.4. წერილობითი ფორმით დაუყონებლივ აცნობოს მიმწოდებელს მიწოდებულ შესყიდვის ობიექტზე აღმოჩენილი წუნის შესახებ.
- 9.3. შემსყიდველს უფლება აქვს:
- 9.3.1. ნებისმიერ დროს მოითხოვოს და გაეცნოს მიმწოდებლის მიერ იმ ეტაპისთვის მისაწოდებელ შესყიდვის ობიექტს;
- 9.3.2. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

9.3.3. შემოწმოს შესყიდვის ობიექტის ხარისხის შესაბამისობა გამარტივებული ელექტრონული ტენდერის #SPA170009684 სატენდერო დოკუმენტაციით და ხელშეკრულებით გათვალისწინებულ პირობებთან.

9.4. მიმწოდებელი ვალდებულია:

9.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

9.4.2. დაიცვას ხელშეკრულებით გათვალისწინებული ყველა პირობა;

9.4.3. დააკმაყოფილოს შემსყიდველის მოთხოვნა დამატებითი მონაცემების წარმოდგენის შესახებ კანონმდებლობით დადგენილი წესით;

9.4.4. ხელშეკრულების გაფორმების დღიდან 5 (ხუთი) სამუშაო დღის განმავლობაში მიაწოდოს შესყიდვის ობიექტი;

9.4.5. შესყიდვის ობიექტზე შემსყიდველის მიერ რაიმე წუნის ან ნაკლის აღმოჩენის შემთხვევაში, შეტყობინების მიღებისთანავე, განახორციელოს დროულად მისი გამოსწორება, შემსყიდველის მხრიდან რაიმე დამატებითი დანახარჯების გაწევის გარეშე.

9.5. მიმწოდებელს უფლება აქვს:

9.5.1. მოსთხოვოს შემსყიდველს ამ ხელშეკრულებით ნაკისრი ვალდებულების შესრულებისათვის ანაზღაურება ხელშეკრულებით გათვალისწინებული პირობებით.

10. საპატენტო უფლებები

10.1. შესყიდვის ობიექტის, ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

11. ხელშეკრულების შესრულების კონტროლი

11.1. შემსყიდველის მიერ ხელშეკრულების შესრულების კონტროლი განხორციელდება პერიოდულად როგორც შესყიდვის ობიექტის მიწოდების დროს, ისე ამ ხელშეკრულების მოქმედების პერიოდში შემსყიდველის მოთხოვნის შესაბამისად.

11.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული საქონლის შესახებ.

11.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

12. გარანტია

12.1. მიმწოდებელი იძლევა გარანტიას, რომ მის მიერ მიწოდებულ შესყიდვის ობიექტზე ვრცელდება გარანტია 2 (ორი) წელი შესყიდვის ობიექტის მიღება-ჩაბარების აქტის გაფორმების დღიდან. საგარანტიო პერიოდის განმავლობაში შესყიდვის ობიექტზე დეფექტის ან ნაკლის გამოვლენის შემთხვევაში იგი ვალდებულია საკუთარი სახსრებით, ტრანსპორტირების ხარჯების ჩათვლით, შემსყიდველის მხრიდან რაიმე ხარჯების გაწევის გარეშე, თავად უზრუნველყოს გამოვლენილი ყველა დეფექტის და ნაკლის გამოსწორება.

13. ხელშეკრულებაში ცვლილებების შეტანა და ხელშეკრულების შეწყვეტა

13.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება წინამდებარე ხელშეკრულების ჯამური ღირებულება ან უარესდება წინამდებარე ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.2. წინამდებარე ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

13.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მეორე მხარეს არანაკლებ 10 (ათი) კალენდარული დღით ადრე წერილობით.

13.4. წინამდებარე ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

13.5. წინამდებარე ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.6. შემსყიდველს შეუძლია მიიღოს გადაწყვეტილება წინამდებარე ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს წინამდებარე ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევებში.

13.7. წინამდებარე ხელშეკრულების შეწყვეტა შესაძლებელია მხარეთა შეთანხმებით ნებისმიერ დროს მისი მოქმედების განმავლობაში და და ასევე, ავტომატურად წყდება ხელშეკრულება

მხარეთა მიერ წინამდებარე ხელშეკრულებით ნაკისრი ვალდებულებების სრულად და ჯეროვნად შესრულებისას.

14. ფორს-მაჟორი

14.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებთან და დაუდევრობასთან და რომელსაც გააჩნია წინასწარ გაუთვალისწინებელი ხასიათი.

14.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

15. მხარეთა პასუხისმგებლობა

15.1. მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

15.2. ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ვალდებულების შეუსრულებლობის ყოველ ვადაგადაცილებულ დღეზე ხელშეკრულების საერთო ღირებულების 0,1 %-ის ოდენობით.

16. დავები და მათი გადაწყვეტის წესი

16.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

17. ხელშეკრულების შესრულების შეფერხება

17.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით;

17.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების 13.2. პუნქტის შესაბამისად.

18. ხელშეკრულების მოქმედების ვადა

18.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 30 ოქტომბრის ჩათვლით, გარდა ამ ხელშეკრულების მე-12 მუხლისა, რომელიც ძალაშია შესყიდვის ობიექტის მიწოდებიდან და მიღება-ჩაბარების აქტის გაფორმების დღიდან 2 (ორი) წლის განმავლობაში.

19. სხვა პირობები

19.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

19.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.3. ხელშეკრულება შედგენილია ქართულ ენაზე 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან).

20. მხარეთა რეკვიზიტები და ხელმოწერები

„შემსყიდველი“

„მიმწოდებელი“

სსიპ „საქართველოს მეცნიერებათა
ეროვნული აკადემია“

შპს „ტექნოჰაუსი“

მისამართი: ქ. თბილისი,
რუსთაველის გამზირი #52
ტელ/ფაქსი: 2997372; 2990052
ს/კ #203851536
სახელმწიფო ბაზინა
სახაზინო კოდი TRESGE22
ანგარიშის #200122900

მისამართი: ქ. თბილისი,
ფარსადანის ქ. #5
ტელ.: 2155050; 595959516
ს/კ #205277608
სს „თბილისი ბანკი“
ბანკის კოდი: TBCBGE22
ა/ა #GE31TB1949936020100006


/ირაკლი ჟორდანიას/


/მეჰმეთ მელექი/

ხელშეკრულების პროექტი მოამზადა:

ეკონომიკური სამმართველოს შესყიდვების კოორდინატორი: ლამარა ჟვანია

შეთანხმებულია:

ეკონომიკური სამმართველოს უფროსის მოადგილე: ქეთევან გაზაშვილი

ეკონომიკური სამმართველოს უფროსი: გურამ ქარდავა

იურიდიული სამსახურის უფროსი: ნინო კაკუბავა

სამეურნეო სამსახურის უფროსი: ილია კვეზერელი

ადმინისტრაციის უფროსი: ფელიქს კალანდარიშვილი

